


Jaiotzak %3,1 gutxitu dira Euskal AEn 2012an

Ama atzeritarren jaiotza gehiago eta espainiarren gutxiago

2012an Euskal AEn 20.553 haur jaio ziren, aurreko urtean baino %3,1 gutxiago, Eustaten datuen arabera. Ama atzeritarren artean %1,5eko hazkundera, eta espainiarren artean %3,9ko murrizketa.

1976tik aurrera, jaiotzek beheranzko joera nabarmena izan zuten; joera hori, dena dela, moteldu egin zen 80ko urteen amaieran, eta 1994an heldu zen mailarik apalena. Harrezkero goraka, apalki eta gora-beherekin.

1. grafikoa: Bizirik jaioak, amaren bizileku lurralde historikoaren arabera. 1975-2012



Iturria: Eustat. Euskal AEko jaiotzen estatistika


Arabak du (%-4,0) jaitsierarik handiena, guztira 3.293 jaiotza; Bizkaian 10.342 haur jaio ziren (%-3,2) eta Gipuzkoan 6.898 (%-2,3).

Jaiotzak mila biztanleko 9,3 izan ziren, 70eko hamarraldikoetatik oso urruti. Kopururik handiena Araban da (%10,1), Gipuzkoan ondoren (%9,8) eta Bizkaian (%8,9).

Jaiotzen %80,3an amak 30 urte baino gehiago zituen

Haurrik gehien 30-34 urte bitarteko amenak dira, %40, dezente gutxitu badira ere. Ugarituz darraite 35-39 urtekoen (%33,6) eta 40tik gorakoen (%6,8) haurrek. Azken bost urteetan bezalaxe, 25-29 urteko amen haurrek (%14,1) eta 20-24koenek (%4,4) gutxituz darraite. Bizirik jaioen %1,2 ama nerabeek (253 guztira) ekarri zituzten; kopuru hau ere pittin bat beheraka.

2. grafikoa: bizirik jaioak, amaren adinaren arabera. 1996-2012



Iturria: Eustat. Euskal AEko jaiotzen estatistika

Amen %17 atzerritarra zen

Amen %17, atzerritarrak; guztira 3.482 haur ekarri zituzten. 575 ama, Marokokoak; 295, Errumaniakoak; 265, Kolonbiakoak; 244, Boliviakoak; 156, Ekuadorkoak; 152, Aljeriakoak; 151, Paraguaikoak; 140, Brasilgoak; 135, Txinakoak.

Emakume atzerritarrak urte gutxiagoekin amatzen dira, Euskal AEn bizi diren espainiar naziotasuna dutenak baino; erdiak ia (%48,9) 30 urte baino gutxiagorekin.

Amen batez besteko adina, 33 urte. Espainiarren artean 33,7 urte; atzerritarren artean, 29,6.

2012an aurreneko haurra izandako amen batez besteko adina, 32 urte.

10 urtetan bikoiztu egin dira ezkontzaz kanpo jaioak

2012an ezkontzatik kanpoko jaiotzak 7.365 izan ziren, guztien %35,9; 2011n baino %1,3 gehiago. Arabak eta Bizkaiak Euskal AEko batez bestekoa baino ehuneko handiagoak izan zituzten, %36,7 eta %36,2; Gipuzkoak, berriz, balio erlatibo txikiagoak (%35). 2002koa (%18) eta oraingoa alderatuz gero, azken 10 urteetan ezkontzaz kanpo jaiotakoak bikoiztu egin dira.

Jaiotza-hurrenkeraren arabera, 2012ko lehen jaiotzak, 11.252, guztien %54,8 izan ziren; bigarrenak %36,6 eta hirugarrenak eta ondorengoak %8,6.

Erditzeak 20.086 izan ziren: horietatik 19.561, bakunak; 512, bikoitzak; eta 13, hirukoitzak. Erditze guztietatik, 1.230 garaiz aurrekoak izan ziren (%6,1).

2012an bizirik jaiotakoen artean, 100 neskatoko 109 mutiko jaio ziren. Mutikoen batez besteko pisua, 3.326 gramo; neskatoen, 3.202.

1.taula: Bizirik jaioak, amaren bizileku lurralde historikoaren arabera. 2012

	Euskal AE	Araba / Álava	Bizkaia	Gipuzkoa
Guztira	20.533	3.293	10.342	6.898
Sexua				
Gizonezkoak	10.732	1.739	5.337	3.656
Emakumezkoak	9.801	1.554	5.005	3.242
Jaiotza-hurrenkera				
Lehenengoa	11.252	1.782	5.905	3.665
Bigarrena	7.520	1.153	3.762	2.605
Hirugarrena edo gehiago	1.761	358	775	628
Amaren adinaren arabera				
<= 19 urte	253	47	151	55
20 - 24 urte	896	166	459	271
25 - 29 urte	2.893	504	1.348	1.041
30 - 34 urte	8.207	1.312	4.019	2.876
35 - 39 urte	6.898	1.055	3.634	2.209
>= 40 urte	1.386	209	731	446
Amaren egoera zibilaren arabera				
Ezkondua	13.168	2.083	6.599	4.486
Ezkongabea	7.365	1.210	3.743	2.412
Amaren nazionalitatea				
Espainiarra	17.051	2.532	8.674	5.845
Atzeritarra	3.482	761	1.668	1.053

Iturria: Eustat. Euskal AEko jaiotzen estatistika

Informazio gehiago:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1. 01010 Vitoria-Gasteiz

Prentsa zerbitzua: servicioprensa@eustat.es Tel.: 945 01 75 62

Euskal AEko JAIOTZEN ESTATISTIKARI buruzko prentsa-ohar gehiago

Euskal AEko JAIOTZEN ESTATISTIKARI buruzko datu-bankua